



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lilivm Inter Spinæ

**Sterre, Jean Chrysostome van der
Antverpiæ, 1627**

Cap. XLIX. De expositione Cantici canticorum.

urn:nbn:de:hbz:466:1-43032

ORDINIS P R A E M O N S T . 159
vidit, testimonium perhibuit de his:
& scimus, quia verum est testimo-
nium eius. Accedamus & nos corde
quo possumus; & comprehendamus,
si possumus, quale Domino holocau-
stum, illo sub tempore, fuerit spiritus
Ioseph: quanto illum igne Spiritus
sanctus inflammascerit, cum ille cami-
nus interior intus in corpore non po-
tuerit latitare.

C A P V T X L I X .

De expositione Cantici canticorum.

HABEMVS etiam Fratris alterius
testimonium (siquidem sancti-
tas viri virorum testimentijs astruen-
da) sed necessarium est ut præmittam,
quod ab ipsius Ioseph mihi rela-
tione compertum est. Cœperat expo-
nere, & exposita in scriptum redigere,
Cantica canticorum; mirantibus no-
bis, & intra nos, & inter nos, aut præ-
sumptionem, aut simplicitatem eius
accu-

accusantibus vehementer. Nondum enim plurimi noueramus vitam &

**MS. deet
rat iuxta.*

facta viri, * iuxta institutionem ipsius Domini I E S V , aut secundūm monita beatissimæ Matris eius in omnibus ordinari. Dum igitur aliquando , occasione accepta , ipsum super hoc facto familiariter conuenissem ; competentem excusationem non habens , coactus est dicere veritatem. Ait enim : Non temeritate aliqua , nec virium mearum præsumptione , vt creditur , nec simplicitate deceptus , (tamquam ignorans , quantum ingenij Tractatus iste requirat) opus istud aggressus sum , sed Matre Domini commonente. Ego verò , nequaquam sermonis breuitate & veritate contentus , modum reuelationis diligentius inquirebam. At ille ; Videbam , inquit , & ecce , Mater Domini I E S V apparuit mihi , ferens manibus speciosam & spatiosam scutellam , in fundo * sui parum olei continentem . Et arridens blan-

** Haud re-
dē in MS.
est legitur.*

*Iubetur à
Virgine
Matre ex-
ponere Cā-
ticum can-
tiorum.
* Fortè suo.*

ORDINIS PRAEMONST. 161
dissimè dixit mihi : Et h̄c modicum
tibi est, vt illud exhauias, reseruatum.
Et adiecit dicere & docere: Quoniam
liber Cantici canticorum diuersorum
expositionibus p̄nè penitus est ex-
haustus ; hoc modicum tamen (quod
ad similitudinem huius modici olei
adhuc supereſt) à te, ad commendatio-
nem meam, est necessarium exhauriſi.
Tantæ igitur Auctoris commonitio-
ne, & tantæ commonitricis auctori-
tate confisus, mihi importabilem af-
ſumpſi laborem ; magis eligens igno-
rantiæ hominum, quām Matri Do-
mini displicere.

C A P V T L.

Quod scribens non est visus à Fratribus.

E VESTIGIO est testimonium sub-
nectendum, valdè mirabile dictu,
& ad credendum difficile ; sed est non
vnuſ ſolus huius veritatis affertor, vt
in ore duorum vel trium testium fi-

L dem